

AGRUPACION DEPORTIVA

ESCOLAR “O RIBEIRO”

CIF G-32142838

<https://inscripcion-xogade.xunta.gal>

agrupacionoribeiro@ribadavia.es

www.deportesribadavia.es



“Xogando ao Atletismo” 2024 COMARCAL

Datas

Xogando ao Atletismo celebrarase os días:

- 27 de Febreiro de para a categoría **ALEVÍN**
- 29 de Febreiro para a categoría **BENXAMÍN**

Lugar

Ribadavia

Ata un máximo de catro (4) centros inscritos	P. Municipal O Consello
Cinco (5) ou mais centros inscritos	Novo sintético C. Municipal O Xestal

EN FUNCION DA INSCRICIÓN A ORGANIZACIÓN DECIDIRA A INSTALACIÓN ONDE CELEBRAR O EVENTO

Debemos ter en conta a realización das obras no polideportivo municipal de O Consello, co arranxo da pista, no caso de non ter rematada dita obra será igualmente no complexo de O Xestal

Horario 11:00 a 13:30

Inscripciones

As inscripciones realizaranse no formulario electrónico establecido que lles será enviado aos Centros Educativos e deberá ser enviado ao correo agrupacionoribeiro@ribadavia.es antes do xoves 22 de febreiro de 2024.

Tamén se creará o evento correspondente para que poidades inscribir aos nenos en xogado como vimos facendo no resto de competicións.

Xuntanza técnica

Realizarase antes do comezo de cada xornada e aclararanse as dúbihdas sobre as normas técnicas. Os delegados de cada Centro Educativo deberán colaborar coa organización no coidado dos escolares participantes.

Probas da competición

As probas de concurso son, por esta orde:

1. Carreira 10 x 10 metros.
2. Lanzamento de vortex
3. Triplo salto saíndo desde parado.
4. Lanzamento de balón medicinal cara a adiante por encima da cabeza desde sentado.
5. Salto lateral de obstáculo baixo.

Carreira de relevos:

1. Gran Prix

Cada participante realizará unha proba de concurso e a proba de relevos. A proba de concurso será a que cada Centro Escolar determine, participando cada un dos componentes nunha proba diferente, completando as 5 probas.

Puntuación


En cada unha das dúas series de cada proba dun grupo ordenaranse os resultados obtidos (tempo, distancia, número de saltos) de mellor a peor. En cada serie dun grupo o equipo con mellor resultado en cada proba (menor tempo, maior distancia, maior número de saltos) obterá 5 puntos, 4 o segundo, 3 o terceiro, 2 o cuarto e 1 o quinto.

Regulamento das probas do concurso

As medicións das distancias saltadas ou lanzadas realizaranse tendo no chan unha cinta métrica, que será a referencia para as medicións con distancias como mínimo de 5 cm.


1. Carreira 10 x 10 metros

Carreira cronometrada sobre unha distancia de 10 metros que hai que percorrer 10 veces, 5 idas e 5 voltas, percorrendo unha distancia total de 100 metros. Cada participante antes de cambiar de sentido, é dicir de dar a volta, debe coller unha argola ou obxecto similar que está detrás da liña dos dez metros. Debe deixala no outro lado, detrás da liña desde onde realizou a saída, pousándoa no chan dentro dunha zona delimitada ou introducíndoa dentro dun cono, pero non se deberán arroxar. E así ata completar 5 argolas. Anótase o tempo investido por cada participante. O tempo pararase a cada participante cando este pouse detrás da liña ou introduza no cono a última (a quinta) argola, sen arroxala. Só se realiza un intento, no que participan á vez os cinco alumnos, un por cada Centro Escolar que compoña o grupo.




1. Lanzamento de vortex.

Lanzamento dun vortex, desde parado, sen carreira previa. Se se excede despois de lanzar a liña desde onde se lance non se considerará nulo. O vortex non se pode lanzar agarrando da zona da cola. Cada participante realiza dous intentos. Os participantes dun grupo nesta proba realizan o primeiro lanzamento de un en un sucesivamente ata finalizar unha rolda, comezando entón a segunda rolda. Anótase o lanzamento de maior distancia. Puntúa só o mellor resultado dos dous intentos de cada participante. Anótase o lanzamento de maior distancia. Ao haber no mercado máis dun modelo deste tipo de xavelina adaptada, a que se utilizará no Torneo é de escuma lixeira, cun peso aproximado de 50 a 80 gramos e unha lonxitude aproximada de 80 a 90 cm.



2. Triplo salto saíndo desde parado

O participante colocado detrás da liña de saída e cos pés paralelos realiza tres saltos seguidos apoiando alternativamente os pés sen interrupción e caendo obrigatoriamente cos pés á vez. É dicir, consiste en dous „pasos” (saltados) e un salto: saída con pés paralelos - pé derecho - pé esquerdo e os dous pés á vez; ou saída con pés paralelos - pé esquerdo - pé derecho e os dous pés á vez. Mídense a pegada máis próxima á liña de saída. Cada participante realiza dous intentos. Os participantes dun grupo nesta proba realizan os saltos de un en un sucesivamente ata finalizar unha rolda, comezando entón a segunda rolda. Puntúa só o mellor resultado dos dous intentos de cada participante, anotándose o intento de maior distancia.



3. Lanzamento de balón medicinal cara a adiante por encima da cabeza desde sentado

Estando sentado nunha cadeira ou un banco realizar o lanzamento dun balón medicinal de 2 kg cos dous brazos cara a adiante por encima da cabeza, sen levantarse do asento. Cada participante realizará dous intentos. Os participantes dun grupo nesta proba realizarán o primeiro lanzamento dun en un sucesivamente ata finalizar unha rolda, comezando entón a segunda rolda. Puntuará só o mellor resultado dos dous intentos de cada participante, anotándose o lanzamento de maior distancia.

AGRUPACION DEPORTIVA

ESCOLAR “O RIBEIRO”

CIF G-32142838

<https://inscripcion-xogade.xunta.gal>

agrupacionoribeiro@ribadavia.es

www.deportesribadavia.es



4. Salto lateral dun obstáculo baixo

Ao darse o sinal de comezo o participante realiza saltos continuos a pé xuntos ao carón e outro dun obstáculo de gomaespuma ou cartón (de 20 cm de altura aproximadamente) realizados en 20 segundos, debendo pasar necesariamente os dous pés por encima do obstáculo en todos os saltos. Anótase o número de saltos realizados. Cada participante realiza dous intentos, nos que participarán á vez, sempre que haxa suficientes controladores, os cinco alumnos, un por cada Centro Escolar que compona o grupo. Se non fose posible que o fixesen todos á vez, realizaríase de dous en dous, ou de un en un. Puntúa só o mellor resultado dos dous intentos de cada participante, anotándose o de maior número de salto. Cando un participante desprace ou derrube o obstáculo, debe colocalo no sitio correcto para continuar saltando.



GRAN PRIX

É unha carreira de relevos con obstáculos e habilidades en competición directa dos equipos de cada grupo (os participantes de cada posta pasan polo mesmo lugar en todos os obstáculos, aínda que para evitar aglomeracións nalgúns se establecerán máis carrís nalgúns deles) na que participan os/as cinco integrantes de cada equipo, dando cada un deles media volta a circuíto preparado para esta proba. Realízase no sentido contrario ás agullas do reloxo, coa seguinte orde de obstáculos:

AGRUPACION DEPORTIVA

ESCOLAR “O RIBEIRO”

CIF G-32142838

<https://inscripcion-xogade.xunta.gal>

agrupacionoribeiro@ribadavia.es

www.deportesribadavia.es




Consello Municipal de Deportes
RIBADAVIA



Deseño aproximado do percorrido do Gran Prix:

- Saída
- Tramo liso
- Pasar por encima de dúas colchonetas
- Tramo liso - Sortear tres bancos ou conos
- Tramo liso
- Pasar por debaixo dunha colchoneta túnel
- Tramo liso
- Saltar un obstaculín
- Tramo liso
- Saltar tres obstaculíns
- Tramo liso
- Pasar por debaixo dunha colchoneta túnel
- Tramo liso e entrega de testigo, ou para o último relevista, entrada á meta



Comité de Competición

O Comité Galego de Xuíces de Atletismo decidirá sobre calquera incidencia que puidera producirse, e que non estea contemplada no regulamento. Ao ser unha actividade lúdica, non se admiten reclamacións. Aqueles Centros Escolares cuxos compoñentes, alumnos, delegados e profesores, ou acompañantes, teñan durante a competición un comportamento antideportivo e irrespectuoso cara a outros participantes ou cara á organización poderán ser descualificados e/ou expulsados da actividade.